



**Հ Հ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ  
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆԻ  
Ո Ր Ո Շ ՈՒ Մ**

**ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ ՊԱՏԱՍԽԱՆՈՂԻՑ  
ԱՊԱՑՈՒՅՑՆԵՐ ՊԱՀԱՆՁԵԼՈՒ ՄԱՍԻՆ**

16-ը հունվարի 2024թ.

ք.Երևան

Երևան քաղաքի առաջին ատյանի ընդհանուր իրավասության քաղաքացիական դատարանը /դատավոր Ա. Մկրտչյան/, ուսումնասիրելով «Է և Ա» ՍՊ ընկերության հայցադիմումն ընդդեմ ՀՀ միասնական սոցիալական ծառայության՝ միասնական սոցիալական ծառայության կողմից իր կարիքների համար ծրագրային ապահովման սպասարկման խորհրդատվական ծառայությունների ձեռքբերման նպատակով 27.11.2023թ. հայտարարված թիվ «ՄՍԾ ԳՀԽԾԲ-24/4» ծածկագրով գնանշման հարցման ընթացակարգի գնահատող հանձնաժողովի 12.12.2023թ. նիստի թիվ 3 արձանագրության 3 կետով կայացված «Է և Ա» ՍՊԸ-ի ներկայացված հայտը անբավարար գնահատելու, մերժելու և գնման ընթացակարգը չկայացած հայտարարելու մասին որոշումն անվավեր ճանաչելու մասին,



Հայցադիմումը ներկայացվել և դատավոր Ա.Մկրտչյանին մակագրվել է 22.12.2023թ., 25.12.2023թ. հանձնվել դատավորի աշխատակազմին:

Դատարանի 27.12.2023թ. որոշմամբ հայցադիմումը վերադարձվել է:

Հայցվորի կողմից Դատարանի արձանագրած թերությունները վերացվել են և հայցադիմումը կրկին ներկայացվել է /փոստին հանձնվել է/ 30.12.2023թ., Դատարանում մուտքագրվել է 05.01.2024թ., և դատավոր Արամ Մկրտչյանի աշխատակազմին է հանձնվել 08.01.2024թ.:

ՀՀ քաղաքացիական դատավարության օրենսգրքի 234.5 հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Նույն օրենսգրքի 234.6 հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Նույն օրենսգրքի 234.8-րդ հոդվածի 1-ին մասի համաձայն՝ գործին մասնակցող անձինք և նրանց ներկայացուցիչները դատական նիստի ժամանակի և վայրի, ինչպես նաև սույն

օրենսգրքով նախատեսված դեպքերում առանձին դատավարական գործողություններ կատարելու մասին ծանուցվում են էլեկտրոնային հաղորդակցության միջոցով ծանուցագրերը և այլ փաստաթղթեր սույն օրենսգրքի 97-րդ հոդվածով սահմանված կարգով հայցադիմումում նշված էլեկտրոնային փոստին ուղարկելու եղանակով:

Ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 234.5-րդ, 234.6-րդ, 234.8-րդ, 188-րդ, 199-րդ, 200-րդ հոդվածներով, Դատարանը

### Ո Ր Ո Շ Ե Ց

Հայցադիմումն ընդունել վարույթ, եզրափակիչ դատական ակտի հրապարկման օր սահմանել 2024թ. փետրվարի 28-ը:

Կողմերի ծանուցումն իրականացնել էլեկտրոնային հաղորդակցության միջոցով՝ հայցադիմումում նշված էլեկտրոնային փոստի հասցեներին ուղարկելու եղանակով:

Պատասխանող ՀՀ միասնական սոցիալական ծառայությունից պահանջել որոշումն ստանալու օրվանից հնգօրյա ժամկետում Դատարանին ներկայացնել ՄՍԾ ԳՀԽԾԲ-24/4 ծածկագրով գնանշման հարցման ընթացակարգի՝ իր տիրապետության ներքո բոլոր ապացույցները:

Որոշումն ուժի մեջ է մտնում ընդունման պահից և բողոքարկման ենթակա չէ:



ԴԱՏԱՎՈՐ

Ա. ՄԿՐՏՅԱՆ